

Subsidi petrol RM2.2 bilion

Kuala Lumpur: Kerajaan memperuntukkan RM2.2 bilion bagi skim Program Subsidi Petrol (PSP) yang memberi manfaat kepada lapan juta pemandu.

Menteri Kewangan, Lim Guan Eng berkata, penerima Bantuan Sara Hidup (BSH) menerima kadar subsidi RM30 sebulan bagi kereta dan RM12 sebulan bagi motosikal membabitkan 2.86 juta penerima.

Katanya, program subsidi petrol bersasar dilaksanakan pada Januari 2020 dan harga petrol RON95 diapungkan dan harga diselaraskan beransur-ansur dengan bantuan tunai yang dikreditkan terus ke akaun penerima setiap empat bulan sekali.

Menurutnya, ia membatik kereta dengan kapasiti enjin 1,600cc dan ke bawah, kereta dengan kapasiti enjin melebihi 1,600cc yang

berusia lebih 10 tahun, motosikal dengan kapasiti enjin sehingga 150cc dan ke bawah atau motosikal dengan kapasiti enjin melebihi 150cc yang berusia lebih tujuh tahun.

"Bagi semua pemandu lain yang layak dan bukan penerima BSH, mereka menerima Kad95 yang membolehkan menikmati subsidi petrol 30 sen per liter terhad kepada 100 liter se-

bulan bagi kereta atau 40 liter sebulan bagi motosikal.

"Kad95 dilaksanakan berperingkat pada suku pertama 2020. Kenderaan mewah tidak layak menikmati subsidi bersasar ini," katanya ketika membentangkan Belanjawan 2020 bertemakan Memacu Pertumbuhan dan Keberhasilan Saksama Ke Arah Kemakmuran Bersama di Dewan Rakyat semalam.

